

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Provisione Et Obtentione Beneficiariorvm

Leuren, Peter

Coloniæ Agrippinæ, 1704

101. An & qualiter Patronus circa commoda temporalia, quæ juste
percipere potest, possit disponere.

[urn:nbn:de:hbz:466:1-74485](#)

ubi sit, vel etiam eius vita ignoretur, consulitur his, quorum interest, ut curent auctoritate magistratus deputari administratorem omnium bonorum, & jurium hereditariorum, & hic administrator datā vacatione präsentat. Lott. n. 45. & seq. ex Gamb. de off. leg. l. 4. rubric. de potest legati in commendam benef. n. 35. quin & per präsentationem factam ab hujusmodi procuratore censetur consumptum jus präsentandi pro ista vice, ut deinceps non attendatur präsentatio facta per ipsum principalem supervenientem, eò quod cum präsentatio sit fructus juris patronatus, non potest administrator amittere perceptionem hujus fructus interim obveni hæreditati, quam administrat. Lott. n. 48.

7. Denique hanc inter procuratorem patroni Ecclesiastici, & procuratorem patroni laici facit differentiam Lott. l. 2. q. 19. n. 25. & 6. citans Azor. p. 2. l. 6. c. 14. q. 6. (qui tameo ibi nihil de hoc) & Rotam in Calagur. benefic. 14. Maii. 1619. quod isti affirmant medio juramento de legitimo impedimento sui principialis non creditur, nisi ad hoc habeat speciale mandatum.

PARAGRAPHVS VII.

De commodis & prærogativis patronatus.

Quæstio 100. An, & que temporalia ratione juris patronatus sibi competentis exigere possit patronus ab Ecclesiis, vel etiam præstante jure forte speciali?

1. **R**espondeo ad primum: primò prohibitum est sub pena excommunicationis ferenda, ne patroni vel advocati Ecclesiæ in recognitionem juris patronatus vel advocationis aliquid ab iis exigant, neque tributa, vel collectas militum, vel ullum servitium v.g. alendi canes venaticos, vel alia jumenta, iis imponant; neque ullis aliis oneribus, vel exactionibus gravent; quia talia à subditis extigi, iisque hujusmodi onera imponi solent, Ecclesia autem ejusque ministri non subjiciuntur fæculari potestati. Pirh. ad h.t. n. 42. juxta c. præterea. h. r. & Abb. ibid. n. 4. item juxta c. 1. de censibus.

2. Secundò: potest tamen patronus, ut in fundatione, sibi reservare cum auctoritate & consensu Episcopi pensionem aliquam annexam (qua tamen moderata esse debet, spectata fundationis & reddituum ecclesiæ quantitate, ita ut dos ecclesiæ necessaria non diminuatur per hoc, & si ex post facto talis reservata & imposita pension fieret multum onerosa ecclesia, reducenda erit ad debitam moderationem) ita & eam dein exigere. Pirh. loc. cit. citans Abb. in c. præterea. h. r.

3. Respondeo ad secundum: patronus à præstantando nihil tempore exigere potest, nisi quod in ipsa fundatione constat impositum. c. scut. de supple. neg. præl. & c. præterea. h. t. Barb. juris Ecclesiast. l. 3. c. 12. n. 201. Et est simoniaca præsentatio, dum aliquid datur vel promittitur pro præsentatione. Barb. ibid. num. 202, citans c. veniens. de testib. & ibi Decim, & Abbat. Roch. de jurep. v. & utile q. 3. n. 19. Lamb. l. 2. p. 1. q. 9. a. 8. etiam si id fiat præstanto ignorantre. Barb. ibid. n. 203, juxta c. nobis. de simonia. & c. permult. de elect. non tamen erit simoniaca, si fiat sub conditione seu onere celebrandi missas; nisi forte onus mis-

sarum impositum præsentato spectaret ad ipsum præsentantem, cum per tale pactum is relevaretur ab illo onere. Barb. n. 203. juxta decis. Rotz. in Romana Jurisp. 20. Decemb. 1600. multoque minus erit simoniaca facta sub conditionibus, qua de jure insunt, seu spectant ad institutum in beneficio, v.g. ut defendat jura beneficii, recuperet bona, congregat in unum scripturas attinentes ad beneficium. Barb. n. 204. juxta eandem decis. & Lamb. l. 3. q. 2. n. 2. ac denique simonia non erit, patrono gratis, & absque pacto aliquid dare; uti quandoque ob datu exigitatem præsumi potest fuisse donum liberalē & gratuitum. Laym. in c. præterea. de transact. n. 2. verū vide de hoc dicenda accuratius in parte 3.

Quæstio 101. An, & qualiter patronus circa dicta commoda temporalia, qua justè percipere potest; quia v. g. tempore foundationis cum consensu Episcopi sunt reservata, vel ex antiqua consuetudine legitimè præscripta obtenta, possit disponere?

1. **R**espondeo primò. Si tales reditus aut commodity sunt certa & determinata, v. g. certa pars fructuum, vel certa pensio annua, tunc possunt vendi aut locari alteri, qui illa percipiat nomine & auctoritate patroni; ita ut titulus seu jus patronatus maneat penes ipsum venditorem vel locatorum; quemadmodum commodity ususfructus vendi potest alteri jure ususfructus remanent penes ususfructuarium. l. necessario. ff. de peric. & comm. rei vend. Pirh. n. 41. argumento c. ultim. ne prælatus vices suas.

2. Secundò. Si reditus illi aut commodity sunt incerti, vendi quoque possunt, sicut vendi possunt fructus incerti, ut jactus reis, fructus nascituri. l. si factum. ff. de act. Empt. Pirh. ibidem. citans Jo. And. & Abb. in c. præterea. h. tit. & Azor. p. 2. l. 6. c. 21. q. 22.

3. Tertiò: Si tamen dicta commoda sint opera, seu præstations, non absolute reales, sed personales debita persona patroni, v.g. ut alimenta ei præstentur, vel ut ipso adveniente vel transeunte, Ecclesia vel ejus subditi vecturas aut angarias præstant, hæc vendi non poterunt alteri; quia inherenter persona patroni, cui talia obsequia debentur; praterquam quod id cedar in magnum præjudicium Ecclesiæ, si tales exactions venerentur aliis; qui majoris lucri vel commodi causâ plus vexare solent Ecclesiæ & earum subditos. Pirh. ibid.

Quæstio 102. Quæ sint commoda patroni ordinaria?

Respondeo: debita ei honorificentia & præstatio alimentorum; dum egit, c. nobis. hoc. tit. circa quod secundum observandum; dum plures sunt patroni, omnibus subveniendum esse secundum qualitatem personarum; præcipue tamen ei, qui plus dedit Ecclesiæ; fundando vel dando. Pirh. n. 37. citans Zoëlium ad hunc titulum. n. 28. Observandum etiam ex Surdo de alimentis. tit. 7. q. 32. n. 6. patrono ingrato non competere loc emolumenntum alimentorum.

Quæstio 103. in quo consistat debitus patrono honor seu honorificentia, quam ut Lott. l. qq. n. Gelas. Papa. c. pix mentis. 16. q. 7. vocat processionis aditum. Clem. 3. in c. nobis. h. tit. honorem processionis?

1. **R**espondeo in sequentibus. Primò: quod debeat illi honoratior locus in processionebus (v.g. postremus prope prælatum, nisi in illa provincia sit major honor præcedere, quam se qui,